




124158



Mag. St. Dr.



✠
IN NOMINE DOMINI, AMEN.

QUÆSTIO MEDICA,

DE

OPHTALMIA.

PRO LOCO

Inter Clarissimos & Excellentissimos,

Inclytæ Medicæ Facultatis,

DOCTORES & PROFESSORES,

In Alma Vniversitate Cracoviensi
obtinendo:

et

M. STANISLAO AN-
TONIO ŁOPACKI,

Philosophiæ & Medicinæ Doctore,

Publicè ad Disputandum,

In Peraugusto DD. Theologorum
Lectorio,

PROPOSITA.

Anno Domini 1691. Die 18. Mensis Septembr.

CRACOVIAE, TYPIS VNIVERSITATIS.

Q U Æ S T I O M E D I C A.

Vtrum. Ophtalmia, quæ est inflammatio tunicæ adnatæ seu Albæ oculi cum rubore, ardore, & dolore, proveniens tum à sanguine, tum alijs humoribus calidis, acribus & vitiosis sanguini permixtis, in eandem tunicam adnatam sese effundentibus, oculos sanorum simili labe contaminans: curetur per Chirurgiam, Pharmaciam & Diætam? nec ne.

C O N C L U S I O I.

Ophtalmia est inflammatio tunicæ adnatæ oculi cum rubore, ardore & dolore.

C O R O L L A R I A.

- I. Ophtalmia est morbus in temperiè calidâ, magnitudine auctâ, & unitatis solutione.
- II. Optimè divisa est Ophtalmia, in humidam qua est cum lachrymarum effusione. Et siccam qua absq; iisdem contingit. In veram seu Legitimam, & non veram, seu spuriam.
- III. Non raro ad Corneam tunicam Ophtalmia est extensiva, productivaq; effectivè in illa ulcerum.
- IV. Ulcera oculi sunt fædæ solutiones membranarum eiusdem oculi & erodentia illas à materia acri.
- V. Ulcera in adnata & Cornea Tunica apparentia, sunt ad cognoscendum facilia, ad Curationem verò difficilia & periculosa.

C O N C L U S I O II.

Sanguis acris partim per se solus, partim cum alijs humoribus calidis acribus & vitiosis sanguini permixtus, in eandem tunicam adnatam sese per venas effundens producit Ophtalmiam.

C O R O L L A R I A.

- I. Partim per affluxum ad adnatam tunicam humorum contrariâ qualitate peccantium, partim per congestionē eorum fit ophtalmia.
- II. Hepar Nobilissimum Corporis naturalis viscus per se contumacium ophtalmiarum origo esse potest. Humo-



III. Humores frigidi secundum propriam essentiam, non possunt efficere Ophthalmiam, sed per accidens.

IV. Aer nimis calidus cibi & potus calidi, retenta, motus nimis, animi pathemata, sol, fumus, pulvis, vapor, flatus, oleum, &c. possunt etiam effectivè concurrere ad productionem ophthalmiae.

V. Si Hyems fuerit sicca & Aquilonia, Verò pluviosum & Australe aestate ophthalmia fieri consueverunt, præcipuè in mulieribus & viris natura humidioribus. Hippocrates Aph. 11. Sectionis 3. Et Aph. 12. ejusdem Sectionis. Si Hyems Austrina & pluviosa fuerit, Verò siccum & Aquilonium Ophthalmia sicca fiunt.

CONCLUSIO III.

Ophthalmia sua labe sanorum oculos afficit.

Galenus 1. de differentia februm Cap. 2.

COROLLARIA.

I. Ophthalmiam ab uno oculo ad alium transire, ut plurimum quotidiana nos docet experientia.

II. Non solum spiritus visorij hîc, sed etiam ipsi Naturales, Animales vitales mediantibus humoribus conturbantur, ratione cuius perturbationis Ophthalmia magna ex parte, sed non semper præcedit pestem. Alexander 2. Problematum 104.

III. Per attractionem humorum putridorum in Universum oculum, illiq; permixtorum fit conturbatio spirituum.

IV. Visus in Ophthalmia non per se, sed per accidens afficitur.

V. Febris in Ophthalmia per consensum, seu per accidens & non essentialiter morbus est.

CONCLUSIO IV.

Ophthalmia curatur per Chirurgiam, Pharmaciam & Diætam.

COROLLARIA.

I. Vena sectio convenit partim ex Basilicâ, partim Cephalicâ, partim frontis, temporum, saphenâ, pro exigentia necessitatis, Hirudinumq; applicatio.

II. Frictiones, ligaturæ, cucurbitula, vesicatoria per modum revulsionis adjuvant curationem ophthalmiae.

III. Desumptâ indicatione à morbo, à causa morbi & à viribus conveniunt in curatione Ophthalmiae refrigerantia, revellentia, derivantia, evacuantia, & corroborantia partem affectam.

IV. Si

IV. Si malum non sit ex plenitudine sanguinis, sed à pravitate humorum, tunc preparati humores Syrupis accommodatis erunt purgandi, Pituitosi Agarico Pill. Cochiis. Biliosi Scammonio Rhabarbaro, melancholici Pill. Alephanginis, de lapide Lazuli & sic unusquisq; humor proprio purgandus remedio. In principio etiam Ophthalmie non sunt statim adhibenda inspissantia fortia & que sint vehementer styptica. Docente Avicenna 3^{ia} Fen. Tractatu 1. Cap. 9. quoniam inspissant tunicas & prohibent resolutionem, augentq; dolorem: ad quem leniendum commendatur à Galeno albumen ovi agitatum & in aquam conversum, mucilago seminis Psillii, Cydoniorum, Fanugraci, cum aqua Rosarum extracta, lac muliebre instillatum, Trochisci Albi Rhasis &c. Narcoticis etiam in curatione hâc parce & consideratè utendum.

V. Aër temperatus, purus, obscurus eligendus est, Acrida, salsa, piperata, vaporosa vitanda sunt, adhibendusq; victus refrigerans, ut Phtisanna ex hordeo & liquiritia &c. Motus vitandus, quies imperanda, somnus conciliandus, alvus fluida servanda.

Soli DEO Honor & Gloria in æternum.

SVB FELICISSIMIS AVSPICIIS,

Magnifici, Perillustris, & Admodum Rñdi Domini,

D. M. FRANCISCI IOSEPHI
PRZEWOSKI,

S. Th: Doctoris & Professoris, Collegæ

Majoris, Ecclesiarum Collegiatarum, SS. Omnium

Crac: PRÆPOSITI, Scholastici Cureloviensis, ad S.

FLORIANVM Canonici, Korczynen: Curati, Librorum

per Dioecesim Crac: Ordinarij Censoris, Canonizationis

Beati IOANNIS CANTII, Procuratoris, Contubernij

Hierosolymitani Provisoris, S. R. M. SECRETARII,

ALMÆ UNIVERSITATIS CRACOVENSIS,

Generalis, & Vigilantissimi

RECTORIS.



PS

Biblioteka Jagiellońska



stdr0016959

